

REGLUGERÐ

um breytingu á hafnarreglugerð nr. 72 31. maí 1961 fyrir Vestmannaeyjahöfn.

1. gr.

b.-liður 49. greinar reglugerðarinnar fellur niður og breytist stafrófsröð eftirfarandi liða í samræmi við það.

2. gr.

Á eftir 10. flokki í 51. grein reglugerðarinnar kemur nýr flokkur, sem verður 11. flokkur og orðast þannig:
11. flokkur. Gjald kr. 10 fyrir hvert tonn af lönduðum fiski til vinnslu.

Reglugerð þessi staðfestist hér með, samkvæmt lögum um hafnargerðir og lendingarbætur, nr. 29 23. apríl 1946, sbr. lög nr. 41 5. apríl 1948, til að öðlast þegar gildi og birtist til eftirbreytni öllum þeim, sem hlut eiga að máli.

Samgöngumálaráðuneytið, 25. apríl 1966.

Eggert G. Þorsteinsson.

Brynjólfur Ingólfsson.

REGLUGERÐ

um breyting á hafnarreglugerð fyrir Breiðdalsvíkurhöfn, nr. 4 3. janúar 1945, sbr. reglugerð nr. 119 30. júlí 1957.

1. gr.

8. grein reglugerðarinnar orðist þannig:

Skipa- og bátagjöld skal greiða sem hér segir:

Hvert aðkomuskip, sem hafnar sig og fermir eða affermir, greiðir í hvert skipti af hverri brúttórúmllest kr. 0.60, þó skulu innlend strandferðaskip, sem sigla eftir föstum áætlanum, einungis greiða gjald þetta í fyrsta skipti er þau koma á höfnina á hverju ári.

Heimilisfastir bátar á Breiðdalsvík greiði einu sinni á ári kr. 15.00 af hverri brúttórúmllest.

2. gr.

9. grein reglugerðarinnar orðist þannig:

Vörugjaldskrá.

1. flokkur. Gjald 80 aurar fyrir hver 100 kg:

Kol, salt, sement, stál, stálvörur, nýr fiskur, slægður og óslægður, saltaður fiskur lagður á landi úr fiskiskipum, síld lögð á land til bræðslu, söltunar eða frystingar.

2. flokkur. Gjald 250 aurar fyrir hver 100 kg:

Garðávextir, freðfiskur, verkaður saltfiskur, lýsi, steinsteyptar vörur, freðsíld, alls konar óunnið járn, saumur, eldfastur leir, gólf- og vegg-

flisar, eldfastir steinar, fiskimjöl, sildarmjöl, fóðurmjöl, korn- og mjöl-vörur alls konar, sykur, tilbúinn áburður, múrhúðunarefni, vikursteinn, vikurplötur, þákhellur, eldavélar og tilheyrandi, timbur, ef reiknað er eftir þyngd, kaðlar, asbest, kalk, mör, tólg, fuelolía.

3. flokkur. Gjald 325 aurar fyrir hver 100 kg:
Bárujárn, kjöt, hreyflar, varahlutir til véla, tjara, bik, arfalt, hvers konar landbúnaðarvélar, fræ, bifreiðar og varahlutir til þeirra, alls konar fiskumbúðir tvistur, skreið, brennsluolíur (aðrar en fuelolía), benzín, vatnsleiðslu- og miðstöðvarrör, hrogn, striga- og kjötumbúðapokar.
4. flokkur. Gjöld 360 aurar fyrir hver 100 kg:
Útgerðarvörur, svo sem línur og línuefni, önglar, net, nætur, kitti, gætur, garnir, gashylki, jurtafeti, smurningsolíur, ull, ullarballar, akkeri, blý, krossviður, alls konar þilplötur, smjör, smjörlíki, skyr, ostur, mjólk, rjómi, vír, vírnet, þvottapottar með eldstó.
5. flokkur. Gjald 500 aurar fyrir hver 100 kg:
Málning og efni til málningar, lakk, lím, gips, korkvörur, brauðvörur, kex, línoleum, pappír og pappírsvörur, bækur, olíufatnaður, svo og allar vörur ótaldar annars staðar.
6. flokkur. Gjald 75 aurar fyrir hver 10 kg:
Veggfóður, hráefni til iðnaðar, gúmmí og gúmmivörur, siglingatæki og fiskileitartæki, niðursuðuvörur, málmar, aðrir en járn, verkfæri og áhöld, svo sem smíðatól og jarðyrkjuverkfæri o. þ. h., emaleraðar vörur, leirvörur, smávélar, smáiðnaðarvélar, hreinlætisvörur alls konar, gler-vörur, eldhúsáhöld, unnar kjötvörur, járnkeðjur.
7. flokkur. Gjald 110 aurar fyrir hver 10 kg:
Baðlyf, blikkvörur, bökunarvörur, vörur úr eir, messing og bronse, öl og ölgerðarvörur, gosdrykkir, burstavörur, smá járnvörur, svo sem skrár, lamir, barnavagnar, leður og leðurvörur, lyfjavörur, ávextir þurrkaðir og nýir.
8. flokkur. Gjald 125 aurar hver 10 kg:
Rafmagnsvörur, kryddvörur, ljósmyndavörur, viðtæki, hátalarar, viðtækjaefni, eldspýtur, te, kaffi, kaffibætir, húsgögn, peningaskápar, jóla-tré, kerrur, hjólbörur, hverfisteinar, rúðugler, segldúkur, prentsverta, kvikmyndafilmur.
9. flokkur. Gjald 200 aurar fyrir hver 10 kg:
Smáhljóðfæri, tónvélar, skrifstofuáhöld, vefnaðarvörur, fatnaður, klukk-ur, mælar, símaþvörur, sælgætisvörur, kakaóduft, leikföng, sýnishorn, o. þ. h., brýni, rafgeymar, skófatnaður, nema gúmmískófatnaður.
10. flokkur. Gjald 400 aurar fyrir hver 10 kg:
Tóbaksvörur, vín, spíritus, bólstrunarvörur, hárvötn, snyrtivörur, skart-gripir, ilmstötn, dúnn, fiður.
11. flokkur. Gjald 50 aurar fyrir hvert tenginsfet:
Timbur og aðrar vörur sem reiknaðar eru eftir rúmmáli.
12. flokkur. Gjald 100 aurar fyrir hvert stykki:
Tómar tunnur.
13. flokkur. Gjald 150 aurar fyrir hvert stykki:
Endursendir öl- og gosdrykkjakassar og aðrar tómar umbúðir.
14. flokkur. Gjald 250 aurar fyrir hverja tunnu:
Saltsíld, saltað kjöt.

3. gr.

14. grein reglugerðarinnar orðist þannig:

Hvert skip, sem leggst við bryggju eða að skipi, sem liggur við bryggju lendingarsjóðs, skal greiða fyrir það gjald sem hér segir:

- a. Öll aðkomuskip, 15 rúmlestir eða stærri, greiði kr. 0.60 af nettórúmlest.
- b. Aðkomubátar undir 15 rúmlestum greiði kr. 10.00.
- c. Bátar heimilisfastir á Breiðdalsvík greiði kr. 5.00 af brúttósmálest á ári, þó aldrei undir kr. 100.00. Bryggjugjald reiknast fyrir hverjar 24 klst. eða brot úr þeim.

4. gr.

18. grein reglugerðarinnar orðist þannig:

Þegar lokið er affermingu eða fermingu, skal farmeigandi eða skipseigandi láta ræsta bryggju eða hafnarbakka sem notuð hafa verið. Farist það fyrir skal hafnarstjóri eða eftirlitsmaður sjá um að það sé gert, en farmeigandi eða skipseigandi greiða allan kostnað, sem af því leiðir.

Þeir sem skemma bryggjur, hafnarmannvirki eða önnur áhöld, eru skyldir til að greiða að fullu kostnað við að lagfæra það.

Reglugerð þessi staðfestist hér með samkvæmt lögum um hafnargerðir og lendingarbætur nr. 29 23. apríl 1946, sbr. lög nr. 41 5. apríl 1948, til að öðlast þegar gildi og birtist til eftirbreytni öllum þeim, sem hlut eiga að máli.

Samgöngumálaráðuneytið, 26. apríl 1966.

Eggert G. Þorsteinsson.

Brynjólfur Ingólfsson.

REGLUGERÐ

fyrir vatnsveitu Patrekshrepps.

1. gr.

Hreppsnefnd Patrekshrepps hefur einkarétt til reksturs vatnsveitu og sölu vatns á því svæði, er hún nær yfir, og getur fullnægt, svo og á Patrekshöfn.

2. gr.

Hreppsnefnd fer með yfirstjórn vatnsveitunnar. Hreppsnefnd og sveitarstjóri annast öll framkvæmdastörf, er vatnsveituna varðar, svo og viðhald vatnsveitunnar og umsjá alla. Hreppsnefnd skal heimilt að ráða sérstakan umsjónarmann vatnsveitunnar, er hafi eftirlit með vatnsveitukerfinu og annist öll þau störf í þágu vatnsveitunnar, er henta þykir. Hreppsnefnd getur löggilt sérstaka vatnsvirkja til að annast viðhald og viðauka við vatnsveituna í samráði við hreppsnefnd, og er þeim skylt að fara í öllu eftir þeim reglum, er hreppsnefnd setur þar um.

3. gr.

Reikningsár vatnsveitunnar er almanaksárið, og annast sveitarstjóri reikningshaldið, innheimtu og greiðslur. Reikningar vatnsveitunnar skulu endurskoðaðir af endurskoðendum hreppsreikninga og fylgja hreppsreikningum ár hvert.